

مستطابق

محل مطبعه و اداره :

پنجسال اوغلا ده امنيت

صندوغى حواريده

شكول يقوشنده

۲۲ نومرو

اخطار :

مسلكمه موافق آثار

جديه مع الممنونيه

قبول اولور

درج ايدلمين آثار اعاده اولماز

دينه ، فلسفه ، علوم ، حقوق ، ادبيات تاريخ ، دى بايانات و بالخاصه احوال و شؤره اسلاميه و بحث ايدرو هفته ده بر نشر اولور .

صاحب و مؤسسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

تاريخ تأسيسى

قيرله دن مقوا بورو ايله كوندريليس سنى

۲۰ غروش فضله آلتير

۱۰ تموز ۳۲۴

سنه لى التى آيلنى

ممالك عثمانيه ايجون	۶۵	۳۵	غروش
روسيه	»	۶۵	۳۰۵ روبله
سائر ممالك اجنبيه	۱۷	۹	فرانق

بشنجى جلد

۱۶ شوال پنجشنبه ۸ تشرين اول ۳۲۶

عدد : ۱۱۱

حیاتیه مزدن بریسی تشکیل ایتدیکی ایچون اوزون و عمیق بر مباحثهیه محتاجدر. شمدیلاک یالکیز شوراسنه جاب دقت ایدیورم که الیوم بتون عثمانلوق عالنده فرانسلغه قارش بر «ره آقسیون»، بر عکس حرکت مشاهده ایدلمکده درکه بوده ملتیزک تشکیل ایتدیکنی، کندیمزی دوشوندیکنی، حسیات ملیه مزک تکامل ایتدیکنی کوستریور.

بر کره بو کونکی مطبوعات عثمانیه ایله بوندن آلتی آی اولکی مطبوعات عثمانیهی مقابله ایدیکنز!

تفاوت ره از کجاست تابه کجا!!

بوندن آلتی آی اقدم مطبوعات عثمانیه فکر و حسیاتجه هان اروپا مطبوعاتنک، بالخاصه فرانسز مطبوعاتنک اسیری، آینه عکس اندازی ایدی! شخصیت، کندینه مخصوص بر موجودیت... بتون بتون مفقود ایدی.

بوکون بتون بتون عکس حال اجرای حکم ایدیور: فرانسز حکومتی ایله عثمانی حکومتی آردسند استقراض مسئله سندن طولای ظهور ایدن سیاسی مناقشه مطبوعات کجی. ایلاک اول متردد کندی قوتنه امین اوله دیغی بللی اولان مطبوعات عثمانیه فرانسز مطبوعاتنک دهشتی مهاجراته خفیف بر صورتده مقابلهده بولندی. لیکن مناقشه کیتدکجه شدت کسب ایدرک افکار و حسیات ملیه غلیان ایتدی. بو کون یالکیز اساس مسئله دکل، بتون فرانسز حیاتی، مدنی، طرز معیشتی مطبوعات عثمانیه طرفندن شدتلی و محق بر تنقیده معروض قالمشدر. آلتی آی اول کیمسه بونی قطعیاً خیالنه بیله کتیرمزدی. مسئله نک الک مسرت آمیز، الک امید آور جهتی بودرکه بر طرفده سیرجی صورتنده قالان دیگر اروپا مطبوعات شو مناقشهده حق و حقیقتی عثمانی مطبوعاتنه ویردیله؛ عثمانی مطبوعات فرانسز مطبوعاتنک دهها معتدل دهها حقیرست کوردیلر. طوغریدن طوغری به شو مناقشه عثمانلو مطبوعاتنک فرانسز مطبوعات اوزرینه بیوک بر غلبه معنویه سی ایله نتیجهلندی.

ایشته اصل حیات ملیه ایشته اصل استقلال ملی، ایشته اصل انقلاب کیر بودر.

احمد آقایف

پورتکیز اهنرلی مناجبتید

انسان، باب عالی جاده سی قهوه لرنده، سرکه جی اوتهل ولوقظه - لرنده، غزته اداره خانه لرنده، استانبولک اکثری او ووقناقلرده دائماً آیلق، مأموریت، آچقده قالمق، معاشی آر تدریق، تقاعدیه سنی تأمین ایتدیرمک کبی موضوعلر اوزرینه قونوشولدیغی ایشیدیر؛ بک ارغلی محافلنده، بیره خانه لرده، پاسته جی دکا لرنده، قلوبلرده، سرقللرده ایسه سوز، متصل امتیاز، انحصار، استقراض، اشترا، یوزده شو قدر، سمساریه وسائر اوزرنده طولاشیر. هیأت اجتماعیه لک حیات و تکاملنده الک مهم، بلکه یکانه عامل، عامل اقتصادی اولدیغی کشف و اثبات ایچون، دنیانک الک مساعد محیطلرندن

اولا: ۱۹۰۸ سنه سی یازوقوعاتندن سوکره عثمانی حکومتی یکی و متین اساسلر اوزره اتکل ایتدیکندن طولای بتون اروپا حکومتلرینک عثمانی دولته قارش شمدی به قدر تعقیب ایتدیکی مسالک بتون بتون تبدیل و تغییر ایدلمه سی لزومی آوستریا حکومتی متفق اولدیغی حکومتلرایله برابر اعتراف و تسلیم ایدیور «دیشلردر».

طرز دیپلوماسیده سولیمش اولان بوجهلنک افاده ایتدیکی مرام بشقه و ساده بر لسان ایله بیان ایدیلیرسه مقصد شو اولیور: بوندن سوکره حکومت اجنبیه نک عثمانی دولتی داخلی ایشلرینه مداخله سی غیر قابلدر. بونی اعتراف و تسلیم ایتیلیر. بوندن ماعدا، حکومت اجنبیه ماضی نک بر اقمش اولدیغی بتون ایزلردن، اثرلردن، غننه لردن و تعامللردن ده واز کچمه لیدرلر! عثمانلوقده آرتق بوکی شیلره تحمل و صبره امکان یوقدر!

ایشته حیثیت و شرف ملی مزه متعلق اولان شو سوزلری آوستریا خارجیه ناظرینه سوله تن آنجق اردو مزده کی تنظیمات و تشکیلاتده و ممالک عثمانیه نک جهات مختلفه سی صارصمش اولان اختلاللرک سهولته و بردها تکرر ایتیه جک صورتده اسکاتنده ابراز ایتدیکنز موفقیشلردر. اروپا کوریورکه شو ملت دور سابقک کوستردیکی کبی تمش، اولمش بر ملت دکلدر. بو ملتده دهها برچوق قوای ماده و معنویه موجوددر، و یانه لری محاصره یه آلان اسلافک اخلاقده کندیلرینی مدافعه، حقوق ملیه و بشریه لری حفظ، کفایت ایده جک حیثیت و استعداد بردوامدر. وینه اروپا لیلر کوریورکه بو آز زمان ایچنده ابراز ایتدیکنز آثار حیات، بزی یکی دن شرقک غیر قابل انحصار بر عنصر قویسی ایده جکدر! شرقده صلحک دوامی، بتون اقوام شرقیه نک یک دیکری ایله بر آهنگ تام ایچنده یاشاملری، مسعود اولملری یینه بزم المزده اولدیغی اروپا لیلر یکی دن طویدیلر، و طویوبوده بزم شرف نفسیمزی، حیثیت ملیه مزی اوخشامغه بشلادیلر. بزوکون مداخلات اجنبیه یه صبر و تحمل دکل، بالذات اروپا حیاتنک، اروپا موازنه سنک، شرق ایله غربه صلحک بردوام اوله سنک الک بیوک اسامی یز. بو حقیقتی بوکون یالکیز اوستریا لیلر دکل، بتون جهان تسلیم ایدیور.

اسارت معنویه و فکریه کانجه کرچ، شو اسارتدن استخلاصمز اسارت سیاسی دن اولدیغی قدر دکلدهده، یینه حمد اولسون بویولدهده ایلاک قدمه لری آتدق. ایشک الک تحف یری بورای درکه بزی بو یوله سوق ایدن، بزی هرکسندن زیاده تحت اسارت معنویه و فکریه لرنده آزمکده اولان فرانسز لردر!

فرانسزلق «عثمانلوقه غلبه چالهرق بتون شئونل حیاتیه مزه سرایت ایتکده ایدی. فرانسز لسانی، فرانسز ادبیاتی، فرانسز افکار و حسیاتی، فرانسز ذوق اولریمزی، عائله لیمزی، مکتبلریمزی، و حتی ذکا و قلبمیزک الک هجری کوشه لرینی بیله تسخیر ایتمش ایدی! بوجالک، بو اوضاعک عثمانلوق و بالخاصه مسلمانلق عالنه، فطرتنه، سنجیه سنه نه درجهده موافق اولوب اولدیغی مسئله سی الک مهم مسائل

بررسی، شهره‌سز، قسطنطنیه، شهریدر، بونکه، برابر، غریبدر،
تورک طبقه منوره‌سی، هیچ اولمازسه، تظاهرات فکریه‌لرنده جمعیتلرک
حرکی «فکر» وحتی «اخلاق» اولدینه معتقد کی کورینورلر. بر
چوق وجدانخراش وقایع وحادثات اقتصادی ایله طومش جریده‌لرک
باش مقاله‌لری، اون سکزیاشلق قیزلردیاقیشیر برایدی آلیسم ایستوریک
ایله یازیلدینی غیر واقع دکلدر. وقایع یومیهدن استنباط نتایج ایله‌رک
سرد ملاحظات ایدن سیاسی محررلریز، جریان تاریخی بی، اقتصادی
اساسلره مستند ماتریالیسم ایستوریک نقطه نظرندن، اصلاً تدقیق
ایتمزلر. طبقه منوره من افرادینک معیشت ذاتیه‌لرنده امور اقتصادی‌نک
فوق‌العاده اهمیتنی مدرک اولدقلرینی و حیات شخصیه‌لرینی قوانین
اقتصادیه تبماً تنظیمه چالیشمادقلرینی ظن ایتیم. حتی مملکتک حیات
عمومیه‌سندده امور اقتصادی‌نک پک مهم بر حامل اولدینی صرف
عملی (Empirique) بر نظره کورمیورلر، دینه من. لکن ملا-
حظات و تدقیقات اجتماعی و سیاسی‌لرنده عامل اقتصادی بی بتون وقایعک
مولدی اوله‌رق پیش تدقیقه آلمادقلری آشکاردر. تورکجه یازیلشمش
تاریخلریز، یابریرلرینه اصلاً اکنمه‌مش بر سوری وقایع متفرقه،
کوفه‌سی حالنده بر اقامش، یاخود وقایع مذکوره غایت ضعیف، غایت
اینجه بر «فکر» ایینه دیزیلرک بر نوع تسبیح یارلشددر. احتمال،
ایلمک تربیه سیاسی‌لرینی بو نوع تاریخلردن آلدقلری ایچ-وندرک
مناسبات بن‌الدوله حسیاتک، فکر اخلاقینک تأثیراتی اوله‌بیله جکنه
ذهاب درجه‌سندده صافدرونلق کوسترن محررین سیاسی‌لرینه بیله
یوق دکلدر!

بو حالت فکریه‌نک حالا آرازمزده دوام ایده بیامه‌سی، تاریخی
مادی بر نقطه نظرندن تدقیق و تفهم مسالک تاریخینک هنوز تورکجه
افکار منوره انتخابی آرمسند کرکی کی انتشار ایدمه‌مش اولمه‌سندن
نشأت ایده‌بیلور. واقعا مسالک مذکورک مقتداسی قارل مارقس،
عثمانی ادبیاتنده اک آز طانیامش بر سیادر. اون طقوزنجی عصر
اوروپا افکارنده پک عمیق ایزلر بر اقان بو مقصد حکیم، جمعیتلرده مشهور
بالمله تظاهرات اجتماعی و سیاسی‌نک سبب اصلیمی، امور اقتصادی
دن عبارت اولدینی ادعا ایتیم واثباته چالیشمشددر. مارقسه کوره
فکرک، افکارک وقایع اجتماعیه تأثیر حقیقیسی یوقدر. فکر،
سبب اصلی مادیلرندن بعضیسی ایله وقایع آراسنده آنجق واسطه
اوله بیلور. فکر، الحجات اقتصادی‌دن تولد ایدر. فرانسه اختلال
کبرنده مونتسکیولرک، روسسولرک، وولنرلرک، دیدرولرک افکارینی
مؤثر کی کورمک صرف نتیجه‌ی عصر بصردر؛ اختلالک مؤثر حقیقیسی
فرانسه‌نک اون سکزنجی عصرده کی وضعیت اقتصادی‌سی، تشکیلات
اجتماعیه‌سیدر. هر برهات اجتماعی‌ده، بر طاقم صنوف موجوددر،
بوصنملردن بهری حیات و معیشتی کرکی کی تأمین ایده‌بیلیمک ایچون
ثروت اجتماعی‌نک قسم اعظمه مالک اولمق و بوتون ثروت اجتماعی
ایسته‌دیکی کی قوللانمق آرزوسنددر. بناء علیه، هر صنف منابع ثروتی،
وسائط استحصال ثروتی و قوه حکومتی‌کندی‌النده بولندیرمق ایستر.

بر دقه بولری‌اله کیردیمی، هیات اجتماعی‌نک ثروتیه، آرتق دیل‌دیکی
کی تصرف ایده بیلور. و بو تصرفده، شهره‌سز، صنف مذکورک
صرف کنندی نفقه کورددر. بوندن طولانی صنوف سائر حیات
و معیشتده بویوک بر مضایقه چکر. مضایقه‌دن قورتولمق ایچون،
ثروت اجتماعی‌دن آز نصیبه‌دار و قوه حکومتدن محروم اولان
صنوف، صنف حاکمه متصل تعرض و هجومیده بولنورلر؛ صنف
حاکمی، بولندینی ذروه اقبالدن دویروب، یرینه قائم اولنجه یه‌قدر
آرغراشیرلر. تاریخ بشریت صنفلرک غوغاسندن باشقه بر شی دکلدر.
و تاریخ بشریتده کوریان بوغوغای صنوف‌ده بوتون ذوی‌الارواحک
حیاتنده مشهود غوغای حیاتک بر حال خصوصی‌سندن عبارتدر.
اون سکزنجی عصر میلادینک نهایتلرینه طوغری، فرانسه‌نک
متوسط صنفی (بورژوازیسی)، ثروت مملکتی، قوه حکومتی،
یدالحصارلرنده بولندیران اصیان‌ادگان و رهبان صنفلرندن آلمق ایچون حرکت
شدیده‌ده بولندی؛ بوکا تاریخلرده فرانسه اختلال کیری دنیلیور. قراللق
کنیش کورکل و ایپکی باطوسی‌لر صنوف متازیه بی اورتمک، مدافعه ایتیمک
ایستدیکندن اوده ییقلدی. صنف متوسط، هجومده بالکیز کنندی
قوتیه کوره‌نمیدیکندن، دردنجی بر صنفی، پاريسک یرسز، یورطسز،
کونده‌لکچی حقیقی عوامنی یاردیمه چاغرمشدی. اختلالی یابان اصل
بو ایکی صنفدرکه بالاخره ثروت ملییه حصه‌دار اولمق قوه حکومتیه
صاحب بولمق ایچون، بو ایکی صنف آرمسندده، بوتون اون طقوزنجی
عصر امتدادلجه غوغا دوام ایده جکدر. اختلالدن اول کلوب، چوغی
بورژوازی‌نک و برآزده اصل عوامک مدعیات و مطالباتی یازیلرله عالمه
اعلان ایدن مونتسکیو، وولنر، روسسو، دیدرو کی سیاسی محررلر،
صوکره، انشای اختلالده توریه‌یوب، او مدعیات و مطالباتی کال شدته
باغیران میرابو، دانتون، ده‌موله‌ن، روبسیه‌ر، مارا کی خطیب وسیا-
سیلر، اختلالی الحجات اقتصادی ایله یابان صنفلرک وکیللری، آوقاقلری،
خدمتچیلری ایدی؛ یوقسه، بعضارینک ظن ایتدیکی کی، اختلالی
بولنر ایجاد ایتدیلر. یشامق، همده بول بول، راحت‌راحت، یشامق
احتیاج ویا آرزوی فطریسی بوندن متولد نزاغدرکه فرانسه اختلالی‌ده
دیگر اختلاللری‌ده احداث ایله‌مشدر. سوزک قیصه‌سی، تاریخ بشریتک
حرکی محفظه فکر و عقل اولان دباغ دکل، منبع جوع و عطش اولان
معه‌در...

مارقس و تلمیذانی مادی‌پرستلکده افراطه قاچش اوله‌بیلورلر،
لکن معده‌سی اولان هیچ برکیمسه انکاره اجتناسار ایده‌میزکه تظاهرات
شخصیه و اجتماعی‌نک اک قوی مؤثری آج قالماق، طویمق وحتی بر
آزده اسراف ایتیمک و بوضورتله یشامق آرزوی فطری‌سیدر. «فکر»
ولو مستقل بر عامل اجتماعی اولدینی تصدیق بیله ایداسه، «احتیاج
مادی» نک اوندن ده‌ا مستقل و اوندن ده‌ا قوی بر عامل اولدینی
اصلاً رد اولمه‌ماز. هر حائده شوکا شهیم یوقدر: کرک تاریخک تدقیقنده،
کرکمه بر سیاستک اداره‌سندده ماتریالیسمی کندیلرینه رهبر اتخاذ
ایدلر، ایده‌الیسمه قایلانلردن ده‌ا آز یا کلش اولورلر. بناء علیه؛

خلق من تربیه سیاسی و اجتماعی سیله مشغول اولانلرک بود دقیقه نظر دن قاجیر ماملری شایان نمی در. حال بوکه کندی هیئت اجتماعی من ایچنده اولسون. دیگر ممالکده اولسون. یک بویوک، یک مهم وقایع سیاسی و اجتماعی، حادث اولوب کچدیکی حالده، قراکقده قالان افکار اهلیمز علم مشغله لریله لزومی درجه سنده آیدنلاتلیمور؛ وقایعک تحلیلنه، سوائق وعواقبک تدقیقه حقیه همت اولیمور...

بوتون بو اوزون ملاحظات، خاطریه، پورتکیز اختلالی مناسبتله کلدی. پورتکیزده اختلال اولدی، قرال قاجدی، جمهوریت اعلان اولندی، عسکرلر، اهالی دوکشیدیلر؛ اولدیرشدیلر؛ اپی مجروح و مقتول وار... بونلرک هدی بیچون؟ بوقانی اختلالک سببی نه؟... بو اویله بر موضوع که؛ هنوز دورۀ انقلابیه سنی کچریش و حتی بضارینه کوره کچروب بترمه مش عثمانیلر ایچون، تدقیق و تفسیری یک زیاده شایان استماده در. پورتکیز زرده، بز زرده؛ آراس زده کونا مناسبات و مشابیت وارد؛ دینلمه سین؛ ایبریا یاریم آطه سنده ساکن اقوام جنوبیه نک؛ اسپانیوللرک، پورتکیزلرک، حیات اقتصادی و فکریه رنده و بونلردن متولد حیات سیاسیله رنده؛ بالقان و آسیای صغیرده ساکن اقوامک هیچ اولما زسه بر قسمه مشابته لری و هله اوروپانک منتهای غرب و شرقده کائن دولت لرک مقدراتنده بعضی موافقتلر، اوتدنبیری بعضی مدققلرک نظرینه خارپمشدر؛ صویسه رینک؛ اسپانیا و تورکیه دن بز آزاده باحث لطق مشهوری خاطره کتیر یلسون. بونکله برابر، استانبول مطبوعاتی، پورتکیز وقایعنه دائر بر سوری متناقض، مکرر تلغرافنامه لرله قارلرینک باشلرینی دوندیردکن، قرالک قاجیشنه دائر شاعرانه برقاج یارچه ترجمه ایتدکن - ها، بعضاریده، اختلالک سبب اصلیمی اوله رق بلغمه قصرینک شامتی کشف ایلده ککن - صوکره، آرتق وظیفه لری یتیمش قیاسیله، مؤخر تلغرافلری، اوچنجی صحیفه آتیوریدیلر.

کراچک، بزکندیلکمزدن پورتکیزی تدقیق ایددرک شخصی اتودلر یانه جتی اقتدارده دکلز؛ لکن غریبلرک بو موضوعلره دائر آتارندن اولسون استفاده ایله خلقه پورتکیز اختلالی بر آز آکلاتمی ممکن اولمازمیدی؛ حتی بوزحمته بیله قاتلانقمسزین؛ ایشک ایچندن چقیله بیلوردی؛ اقوام مدنیه مطبوعاتک بوباده یازیلیمش جیدی و قلمی مقاله لرندن بالانتخاب ترجمه لری ایدیلردی. و بو ترجمه لری، قارئنه، اوبی حساب وقاریشقی تلغرافنامه لرندن دهافائده بخش اولوردی. ایشته بودوشمجه نک صحیته قانع اوله رق، اختلالک اسبابی بالخاصه امور اقتصادیده بولهرق یازیلیمش بر مقاله نک بعضی اقسامی، عیناً اشانغیه ترجمه ونقل ایدیورم:

«پورتکیز مملکتی، بر خلی مدتدنبیری مستریح و مسعود دکلدی. بونک اسبابی اقتصادی و سیاسی اولق ارزره ایکی به آریله بیلور. اقتصادی نقطه نظر دن پورتکیز، غایت بدبخت بر مملکتدر. حکومت ۱۸۹۲ سنه میلادیه سنده، خلقک ثروتی آرتدیرمق آرزوسیه فوق العاده حمایه کار کمرک رسومی وضع ایتمشدی. حمایه اصولی کسندن

بکله ن نتایجی ویرمدی. غایت بوکسک کمرک تعرفه سی وضع اولندی حالد (مثلاً موبیلیه دن، یوزده ۲۵۰ رسم آلیوردی!) ینه پورتکیز صناعی ترقی ایتدی. لکن همیشه بهالندی. مثلاً لوندیه پیاسه سنده ایتدسی ۲۰ رسیه صاتیلان پرتول، پورتکیزه ادخال اولنورکن ۶۷ رسی کمرک ویردیکندن، آرتق فقیر اهلینک غاز صاتون آلمسی امکان خارجه چقدی. اقتصادی راحتیه لری، یالکیز کمرک رسومنک فضله لغیه اشیانک بهالی اولمه سندن ده عبارت دکلدی. پورتکیز لزومندن فضله شراب مستحصیلدر، اما بفدای احتیاجه کفایت ایتز. بغدادی فیشاتی بوکسله سین دیه، حکومت فروزلرک مقدارینی تعیین و تحدید ایدر، و فروزلری ده نظارت شدید آلتیده بولندیریر. لکن بوتنظیبات غریبه نک نتیجه سی، مقصدک تماماً معکوسی چقار: اکمک فیشاتی تنزل ایتدکن ماعدا، یوزده سکسان نسبتده ترقی بیله ایدر. بونک اوزرینه حکومت، غیر منتظر بر تدبیره مراجعت ایلر: سویه، بحردن ۵۰ مترو بوکسک اولمایان اراضینک باغ پایله رقی، اوزوم کوتوکلری غرس اولمه سنی منع ایدر. اوزوم غرسی منع ایدیلا اراضی به فدای اکیله جک ظن اولنور. لکن حکومتک امریله حادثات اقتصادی نک تغیری ممکن اولمیدیندن؛ باجیلرک بر قسمی باتار، دیگر قسمی فضله قزانور، فقط ینه ده بوغدا ی اکیلر. نهایت، فقرانک معیشتده غایته سوء تأثیری اولان بر تدبیر اقتصادی به دها باش اوریلورکه اوده ات تجارتینک تنظیمنه قالدشله، سیدر. ات فیشاتی یک غالی اولدینی جهته، حکومت یاختمده ات صاتیشی بر ملتزمه احاله ایدرک، بلدی قصاب دکالری آچار. بونک نتیجه سی اوله رق ده اتک فیشاتی دها زیاده بوکسه لور. و شمال آیلترنده کی حیوانات بسله ییلر، ضرر کورور. اک صرک زمانلرده ثروت ملیه یی آرتدیرمق ایچون، شراب استحصال و تجارتینک تحت انحصاره آلمه سی ده دوشیلور؛ فقط بو تصور قوده ده قالور. واقعا احوال مذکور نک ضررینی کورن حکومت آدملری ده بولنمشدر. لکن بونلرک موفقیتکارانه اجرا آتیه، قاینه لرک، غایت سرعتله تبدیلی زمان بزاقامشدر. فی الحقیقه پورتکیزده پارلمان حیاتی، ۱۸۰۸ دنبری آنارشی حانده دوام ایتمشدر. مثلاً ۱۹۰۹ سنه سی مایسنده رأس کاره کچن دولیمه قاینه سی، ۱۳ آی ظرفده دردنجی حکومت ایدی. بو حکومتلردن برسی انجق اوچ هفته یشایه بیامشیدی؛ بوتبیدلری موجب اولان شی، قاینه و پارتیلرک پروگراملرنده کی فرقر اولمایوب شخصلرک نزاعندن عبارتدی. مثلاً کچن سنه محافظه کار فرقه سی رأس کاره کچوب، بیاننامه سنی نشر ایتدیکی زمان، اجنبی جرائدندن بعضلری، اوبیاننامه یی رادیقاللرک ظن ایتمشلردی؛ حاصلی، پورتکیزده سیاسی نزاعلر، پرنسپلره مستند اولمایوب، سیاستله مشغول اشخاصک منافع ذاتیه لری تعقیب ایتهلرندن ایلری کایوردی.

ایشته بواقصدی و سیاسی سیدلرک تأثیریلادرکه صوک پورتکیز اختلالی حصوله کلدی.

پورتکیز اختلالک اسبابی ایضاح ایدن بومقاله مترجمه یک مختصر، یک نا تمام و بلکه ده بر آز خطالی در. معافیله مذکور اختلالی آزیجق

سز اوراده توزیع عدالتہ ، احقاق حقہ مأمورسکیز . بک مقدس بر نامہ نسبتہ اوراده ایفای وظیفہ ایلہ مکلفسکیز . نور عینم ،

بیک اوچیوز کسور سنہ اول طلوعیلہ جهانی مستغرق انوار حکمت بیوران نور جمال مولا علیہ اکمل التحایا اقدم حضر تری ده او جای مقدسده اجرای حکومت بیورمشاردر . کوزلریمک نوری چهاریار کرین افندیلر من دخی اثر جلیل احمدیہ اقتضاء عرض خدماتده بولمشاردر . نیجه خلیفہلر برچوق والیر متسللاً زمانزہ قدر ادارہ امور ایچون چالشمشلر بونلرک ایچنده ظالم و خائن اولانلر برر برر سیف انتقام الہی ایلہ محو اولدیلر . تاریخ بونی بزہ بیلدیریور . عادل و رحیم اولانلرک مظهریات واقعہ سنی ؛ صحائف احترامندہ ینہ بزله اوقوتیور . دیمک ایستیورمکہ بوکون اشغال ایستدیککیز او ولایت جلیلہ مقامی سائر ولایاتلر کبی دکلدر جهان اسلامیتک مرکز جائزہ سنی اولان بریردر . بوکون سزک هر بر حرکتکیز عالم اسلامیتک هر یرنده عکس انداز اولور . خلیفہ روی زمین اقدمزک اوراده وکیل اولمفلنگیز اعتباریلہ خدمات واقعہ کرک نتایجی اکا کورہ تعین ایدر . اگر حسن خدمت ایدرسہ کر خلیفہ مسلمین نامہ عالم اسلامیتک هر طرفندہ ابو نتیجہلر حاصل اولور . زمانز نازکدر . بوکون انقلابمک تأثیریلہ عموم مسلمانلر انظار احتراملری مقام عظمای خلافتہ توجیہ ایتشاردر . بزدن اثر حیات وعدالت بکلیرلر . عالم اسلامیتہ قارشو کوستریلہ حک اثر حیات ؛ بوسنہ سزک حرکات عادلانہ کردن بشقہ برشی دکلدر ، اسلافکیزدن بعضلرینک اوراده امت اسلامیتہ ایستدیکی مظالم واشکنجه بی کوز اوکنہ کتیریکیز . تأثیرات خارجیه سنی تأمل بیوریکیز . دوچار اولدیقمز مصائبک منبرلرندن اک بیوکنی بودوشونجهده بولورسکیز . بوسنہ کلہ حک حجاج عدالت ، مرحمت ، صحابت انارینی کورسون مقام خلافتہ ایصینسین .

عزیزم ، او حجاجی صاقین خور کورمه ؛ آنلرک توالی یوقدر . مشاق سفریہ تأثیریلہ اوستلری باشلری تمیز دکلدر ، ظاهر حاللری غایت خوشہ کیتمز درجه ددر . اما باطن توائتلی یولندهدر ، قلبلری تمیزدر . الله ورسولی عشقنہ یانوب وطنلری و اولادلری ، ماللری ترک ایلہ ایثار حیات ایدرجہ سنہ اورایہ قوشوب ککشلر وکلہ جکلدر . آنلرک قبلرندہ کی احوال باطنیه بی شرح ایدہ بیلمک انجق ذرق معنوی صاحبی اولمہ توقف ایدر . بونلری اعزاز و اکرام ایدیکیز . آرقہلری صیغایکیز ، هر برینہ نظر محبت ایلہ باقکیز ، حقوقہ رعایت ایلکیز ؛ امیرمکہ حضرتلری ، حقیقہ وجودیلہ افتخار اولنور برذات عالیقدردر ؛ مقام مسلا ی خلافتہ اولان حرمت و محبت فوق العاده سنی عالم اسلامیتہ مجهول دکلدر . انک وجودی اوراده سزک ایچون بک فائده لیدر . چونکہ اسلافی کبی ظالم دکل ، مرحمتی وعدالتیوردر . حجازده سفینہ موفقیاتکیزک عادتاً بخاری متابہ سندهدر . ال برلکیلہ توزیع عدالتہ چالشکیز ، حجاج فضلہ پاره ویرمسین . دوه جیلرک پاره سنی الندن

اکلامہ ینہ خدمت ایدہ بیور ؛ بوندن باشقہ دقتی اوقوتورسہ . بعض جهتلرندہ بزم کندیمز ایچون بیلہ نافع دوشنجهلر تولید ایدہ بیلہ حک نقطہلر یوق دکلدر .

آ . ی .

حجاز والیس بیک افندیہ

آمین مکاتب

حسیات دینیہ و ملیہم بکا بوسنتلرلی یازمہ جرأت ویردی . جدی و صمیمی بر لسان ایلہ بر قاج سوز سولمک ایستورم . رجال سابقہ کو چوکلرک سوزلری دینلہ مک تنزل ایتزلردی . چونکہ فکر استیکبار آنلرک هر طرفی استیلا ایتش ایدی . بر مقام عالی بی اشغال ایتلکری زمان کندیلری لایخطی عد ایدرلر ، هر درلو ماعتی اجرا ایلرلردی . فقط حمد اولسون رجال حاضرہ هر سوزی دینلہ پورلر ، حکمت اداره یہ موافق و بحسب الزمان تطبیقده فائده ملحوظ اولانلری موقع فعلہ ایصالدن چکینمیورلر . طبعی سزده عین حالہ تبیت ایدرسکیز . اول امرده امور خیریه یہ موفقیاتکیز ایچون جناب حقہ تضرع و نیاز ایدرم . بیک افندی .

البتہ دوشونور بولورسکیزک بوکون قبلہ کاه اسلام اولان بر قطعہ مبارک جسیمہ نک امر اداره سنی دولت سزہ تودیع ایتشدر . نامکیز تاریخ اسلامک صحیفہلری اشغال ایدہ جکلدر . وحدت اسلام قاعده سنی وضع ایدن دین مبین اسلام بوندن بیک اوچیوز کسور سنہ مقدم ششمہ اقبالیلہ اورادن ظهور ایتشدر . شمدی یہ قدر ارقطعہ مبارک نیجه وقوعاتہ جولانکاه اولمش ، اوراده نلر اولمشدر . نبی اعظم صلی الله علیه وسلم اقدم حضر تری بیک تأسیس بیوردقلری دین عالی ایجابات حکمت غایتندن اولان اجتماع اسلامک ماهیات سیاسیه سنی مع الأسف صکرہلری غائب ایتشدر ، او نور حقیقتدن بحقی استفادہ ایدہ حک یوللری بولہ مامشدر ؛ بوکون اوچیوز میلیون نفوس اسلامیتک قابکاهی اولان بو قطعہ جلیلہ ده کی اجتماع سنوی اسلامک کویا برطاقم ظلمہ نک ادخار ثروتہ بر خدمتدن عبارت ظننی تولید ایدہ حک حاللر ظهور ایتشدی . بوکا اک بیوک شاهد اسلافکیزدن (بعضلر مستثنا اولمق اوزرہ) کلوب ککشارک معلوم اولان حرکات و سکناتیدرک نہ بیوک ملتہلر اجرا ایتشاردر ؛ عالم اسلامیتہ نہ بیوک ضربہلر اورمشار ؛ وحدت افکار ملتہ مانع اولہ حق نہ ماهرانہ طوز اولر قوزمشلردر ؛ و طریقی دهم وارده جلب نقود ایچون زواللی حجاجی ضویوب صوغانہ دوندیرمشلردر .

بیک افندی ،

افکار منوره اعجابندن اولدینکیزی سویلیورلر . شو حالده اوچیوز میلیون نفوس اسلامیتک خلیفہ مکرم طائیدی برذات جلیل الشانک وکیل صفتیلہ او مقام معلا بی اشغال ایتمکده اولدینکیزی عالم اسلامیت و ملت عثمانیه نک سزدن بیوک بیوک خدمتلر بکلدیکی دوشونوکیز .